



**KETUA SETIAUSAHA
KEMENTERIAN KESIHATAN MALAYSIA**

Aras 12, Blok E7, Parcel E,
Pusat Pentadbiran Kerajaan Persatuan,
62590 Putrajaya.

Telefon : 03 - 88832533
Fax : 03 - 88835245

Ruj.Kami : (22) KKM-58/300/1-5 Jld. 2
Tarikh : 24 Februari 2016

Setiausaha-Setiausaha Bahagian
Pengarah-Pengarah Bahagian
Pengarah-Pengarah Jabatan Kesihatan Negeri
Pengarah-Pengarah Hospital Negeri
Pengarah-Pengarah Institusi

YBhg. Datuk/ Dato'/ Datin/ Tuan/ Puan,

**PEKELILING PERBENDAHARAAN PB 1.2 TAHUN 2016 -
ANGGARAN PERBELANJAAN 2016**

Dengan hormatnya saya merujuk kepada perkara tersebut di atas.

2. Untuk makluman YBhg. Datuk/ Dato'/ Datin/ tuan/ puan, Kementerian Kewangan Malaysia telah mengeluarkan Pekeliling Perbendaharaan PB 1.2 Tahun 2016 – Anggaran Perbelanjaan 2016 pada 11 Februari 2016. Pekeliling Perbendaharaan tersebut boleh dimuat turun daripada laman web Kementerian Kewangan Malaysia di 1PP.treasury.gov.my.

3. Sehubungan itu, YBhg. Datuk/ Dato'/ Datin/ tuan/ puan adalah dipohon untuk memberi perhatian serius dan mematuhi sepenuhnya peraturan-peraturan yang telah ditetapkan di dalam Pekeliling tersebut antaranya seperti berikut :

- (i) Mengawasi Anggaran Perbelanjaan Mengurus 2016 supaya jumlah perbelanjaan tidak melebihi daripada jumlah yang telah diluluskan;

- (ii) Jumlah perbelanjaan ke atas sesuatu Maksud atau Butiran dalam Anggaran Perbelanjaan Pembangunan 2016 tidak boleh melebihi jumlah peruntukan yang telah diluluskan kecuali setelah mendapat kelulusan Unit Perancang Ekonomi terlebih dahulu;
- (iii) Melaksanakan pemantauan pelaksanaan projek pembangunan dengan rapi bagi memastikan projek dapat dilaksanakan mengikut jadual;
- (iv) Memastikan perbelanjaan tahun 2016 dibuat berdasarkan peruntukan yang diluluskan serta mengambil kira Pengubahsuaian Bajet 2016 yang telah diumumkan pada 28 Januari 2016;
- (v) Memastikan perbelanjaan dibuat dengan berhemat dan mengikut keutamaan program/ aktiviti/ projek bagi mencapai keberhasilan yang ditetapkan. Semua perbelanjaan hendaklah dibuat dengan teliti mengikut perancangan dan tidak melebihi peruntukan yang dipinda berdasarkan Pengubahsuaian Bajet 2016;
- (vi) Mengambil langkah-langkah untuk meningkatkan keberkesanan dan mengoptimumkan perbelanjaan, membuat pemantauan dan penilaian terhadap pencapaian keberhasilan serta membuat penyesuaian ke atas program/ aktiviti/ projek mengikut keperluan semasa;
- (vii) Pindah peruntukan yang melibatkan Program Khusus yang diletakkan di bawah Dasar Sedia Ada adalah tidak dibenarkan kecuali setelah mendapat kelulusan Perbendaharaan terlebih dahulu;
- (viii) Penggunaan peruntukan penyelenggaraan awam untuk membiayai aktiviti yang lain adalah tidak dibenarkan. Tindakan tegas akan dikenakan terhadap penjawat awam yang mengabaikan kerja-kerja penyelenggaraan;

- (ix) Bagi tanggungan tahun lalu yang belum dijelaskan atau pelaksanaan sesuatu keputusan baharu, perbelanjaan hendaklah menggunakan penjimatan tahun semasa atau dilakukan secara *trade-off* dengan peruntukan sedia ada. Sebarang permohonan peruntukan tambahan tidak akan dipertimbangkan;
- (x) Memastikan teguran yang dibangkitkan di dalam Laporan Tahunan Ketua Audit Negara diambil tindakan dan tidak berulang. Tindakan tegas akan dikenakan ke atas Ketua Jabatan jika tindakan sewajarnya tidak diambil ke atas teguran audit berkenaan;
- (xi) Semua peraturan kewangan yang sedang berkuatkuasa hendaklah dipatuhi sepenuhnya dan tindakan tegas serta surc妖 akan diambil terhadap penjawat awam yang melakukan kesalahan seperti yang dinyatakan di bawah seksyen 18 Akta Prosedur Kewangan 1957; dan
- (xii) Memastikan semua bil dan tuntutan ke atas bekalan dan perkhidmatan yang telah disempurnakan oleh pembekal/ kontraktor dijelaskan dalam tempoh 14 hari daripada tarikh bil dan tuntutan yang lengkap diterima, selaras dengan Arahan Perbendaharaan 103(a).

4. Kerjasama YBhg. Datuk/ Dato'/ Datin/ tuan/ puan dalam perkara ini amat dihargai dan diucapkan terima kasih.

Sekian.

“BERKHIDMAT UNTUK NEGARA”



(DATUK DR. CHEN CHAW MIN)

s.k.:

Ketua Pengarah Kesihatan
Timbalan Ketua Setiausaha (Pengurusan)
Timbalan Ketua Setiausaha (Kewangan)
Timbalan Ketua Pengarah Kesihatan (Perubatan)
Timbalan Ketua Pengarah Kesihatan (Kesihatan Awam)
Timbalan Ketua Pengarah Kesihatan (Penyelidikan & Sokongan Teknikal)
Pengarah Kanan (Perkhidmatan Farmasi)
Pengarah Kanan (Kesihatan Pergigian)
Pengarah Kanan (Keselamatan dan Kualiti Makanan)
Ketua Pegawai Eksekutif Lembaga Promosi Kesihatan Malaysia
Ketua Pegawai Eksekutif Pihak Berkuasa Peranti Perubatan
Ketua Pegawai Eksekutif Malaysia Healthcare Travel Council
Ketua Pegawai Eksekutif Clinical Research Malaysia
Setiausaha Sulit Kanan YB Menteri Kesihatan
Setiausaha Sulit Kanan YB Timbalan Menteri Kesihatan